

親王食封

○按ズルニ、親王品田ノコトハ、俸祿部位田ノ篇ニ詳ナリ、就テ看ルベシ、

〔令義解祿〕凡食封者、一品八百戸、二品六百戸、三品四百戸、四品三百戸、内親王減半、

〔延喜式〕民部二十二凡職封者、解官并身薨即還收、○中品位封者、薨年之料、全納喪家、無品封亦准此、

〔日本書紀〕天武二十九十一年三月辛酉、詔曰、親王以下、至于諸臣、被給食封、皆止之、更返於公、

〔續日本紀〕文武二大寶元年七月壬辰、勅、親王已下、准其官位、賜食封、

〔續日本紀〕文武三慶雲元年正月丁酉、二品長親王、舍人親王、穗積親王、三品刑部親王、益封各二百戸、三品新田部親王、四品志紀親王、各一百戸、

〔續日本紀〕文武三慶雲二年十一月庚辰、有詔、加親王諸王、臣食封、各有差、先是五位有食封、至是代以位祿也、

〔續日本紀〕元明六和銅七年正月壬戌、二品長親王、舍人親王、新田部親王、三品志貴親王、益封各二百戸、

○中封租全給、其食封田租全給封主、自此始矣、

〔續日本紀〕聖武九神龜元年二月甲午、是日一品舍人親王、益封五百戸、

〔類聚三代格〕八太政官謹奏

應賜無品内親王食封事

右奉勅件封戸、大同三年十月十九日論奏云、一品已下食封、并四位祿等、並據令訖、但先經恩賜、更不収返、其加階進級之日、即便廻給各得其所、又大同三年六月廿九日式云、無品親王食封二百戸、男女並同、但叙品之後、一從停止者、今檢奏意、無品内親王叙四品之日、封邑一百五十戸、然則無品之日封二百、叙品之時還失五十、事之所在、良不穩便、宜議定奏聞者、謹依勅旨商量、件封戸、大同三年論奏、依令已訖、然則女者良宜半減、内親王准令半之、其先經恩賜、後據論奏、更不収返、謹錄事狀、伏聽天裁、謹以申聞、謹奏、勅依奏、